

Guangjisi Minzcu Bau

ganhhau: CN45-0036 B.2016 Nd.4 Ng.6 liggaueq bingjsaen nienz ndwenngaih ngeihgouj

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3218期

Baengh Aen Daizheiq "Sam Nyied Sam" Gya-gvangq Sawcuengh Ndawbiengz Yingjyangj

借助“三月三”舞台扩大壮语文的社会影响

Bakaek Si Yougyangh Gih 2016 “ciengqyiengj sam nyied sam、caez guh siengjmuengh Yougyangh” minzsuz hozdung 3 nyied 30 hauh youq Baksak Swnhlinz Gvangicangz banh, dangngoenz hozdung yinx ndaej ca mbouj geijlai sam fanh bous vunz daeuj yawj.

Vih haenqrengz senhconz minzcuz vah saw cwngcwz、gya'gvangq gij yingjyangj minzcuz vah saw, doengz-

seiz vih hozdung gyahaeuj minzcuz yenzsu, Yougyangh Gih Minzcuz Swvugiz yungh ndei baez minzsuz hozdung neix, guh ndei hong senhconz caeuj yungh Sawcuengh youq “sam nyied sam” minzsuz hozdung seiz. It dwg daizheiq minzsuz hozdung sezgi sawjyung Cuengh Gun song cungj saw, camgya doxdax cozbinj cienzbouh yungh Vahcuengh yienjciengq; ngeih dwg youq hozdung cawjhoihciengz

seiqhenz faenbied venj 4 diuz fuk-vengz Cuengh Gun song cungj saw 1.3×20 mij; sam dwg hoihciengz canjbanj byauhdiz、camgya doxdax cezmuiz siennauez、mbawcingq mingzdaeuz daengj cungj yungh Cuengh Gun song cungj saw yaenq. Doenghgiy banhfap neix mizrengz coicaenh ndawbiengz yungh Sawcuengh, gya'gvangq le minzcuz vah saw ndawbiengz yingjyangj. (Luz Yuzganh/陆如刚)

SIUSIK DINJ

简讯

● Gunghcwngz Yauzcuz Swciyen Gunghcwngz Cin sonyinx nungzminz hwngfat laj faex ginghci, bang nungzminz demsou, gij gaeqboux aen cin neix Gujcwngz Mbawcaz Cien-nieb Hozcozse ciengx haenx ngamq hab seiz gai. Ciuq cam rox, aen hozcozse neix moix geiz ciengx 10000 duz gaeqboux, moix bi 2 geiz, dangqnaj hawciengz sou gyaqciengz dwg moix goenggaen 18 maenz, baenz cungj fuengfap dangdieg nungzminz vutgungz baenzfouq ndeu.

(Liengz Veih)

● 4 nyied 1 hauh, Dasinh Yen gak yanghcin nem donz-veij、gyauyuz daengj bumwnz faenbied cujiz haiguh lai dieg mohlezw caeq sauq hozdung, aeu neix geiqniemh gwzming senhle, son boucoz ganbu、hagseng mbouj lumz gwzming cingsaenz, gyagiengz gyaec guk cujyi cingzcauh. Ngoenz-haenx, daengx yienh gungh miz 1000 lai bous dangjyenz ganbu、lauxsae hagseng nem sevei yinzsw camgya caeq sauq hozdung.

(Cinz Civanj)

● Vih yawhfuengz gyau-doeng saehhux fatseng, mboengqneix Denzyangz Yen Yifung Cin Cwngfuj cujiz mizgven bumwnz bouxguhong haenqrengz boiqhab baicuzsoj、gyauhgingj cunghdui haiguh roenloh gyaudoeng ancienz lienhab cingceih hengz-doengh, youq duenh roen cungdenj caeuj lohdoxgap doiq fouz baiz fouz cwng、cauhyenz caucai daengj famhfap famhgi hingzveiz guh cingceih.

(Vangz Gozsun)

● Haeuj cin daeuj, Yungzanh Yen Cangzanh Cin Dunghvuz Fangzyiz Hozcozse gapbaenz aen doihfugsah gisuz ciengx doihduz miz 6 bous vunz ndeu, haeuj ranz haeuj mbanj vih lajmbanj boudajciengx hwnjdangz, youq yienhsingz Hozsih Lwg-doenghduz Comzsanq Cungsim vih bouxguhseng'eiq dwk cimyawhfuengz gaeq mbouj aeu cien, vih vunz lai guh saehndei, coicaenh nungzminz demsou.

(Veiz Cujswz)

Lungzswng: Gwnzvangj Caeq Yinghle Z Vwnzmingz Gvaq Cingmingz

龙胜:网上祭英烈 文明过清明



4 nyied 1 hauh, Lungzswng Gak Cuz Swciyen Lungzci Cin Lungzci Siujoyz haiguh “gwnzvangj caeq yinghle” hozdung. Gyoengq hagseng doenggvaq gwnzvangj soengqva、gumx hengzlaex caeuj hengz laexsaushndui daengj fuengsik, gangjok gij cingz gyoengqde aeueiq caeuj geiqniemh gwzming senhle. Aen yienh neix gaenxmaenx sonyinx “gaijbienq fungsug gaeuj vwnzmingz caeqbaiq” leixniemh moq, sonyinx cungh siujhagseng gaenxmaenx camgya “gij siengjmuengh Cungguek gou” gyauyuz saedhengz hozdung, swncienz fatyengz gwzming senhle binjcaet maenhndei, gyagiengz boucoz nyezrauh gyaec guk yisiz. Ndaw doz dwg siujhagseng hengz laexsaushndui.

(Gyaj Libingz/贾丽平 Cinz Yenyen/陈燕燕)

Daihgingz Heiqfoux Bouxcuengh 《Mehlwg Ra Henzmbwn》Ndae Ngaenzgoek Yisuz Guekgya Bangbouj

大型壮族舞剧《妈勒访天边》获国家艺术基金资助

Mboengqneix, daihgingz heiqfoux Bouxcuengh 《Mehlwg Ra Henzmbwn》hanghmoeg ndaej senjhaeuj ngaenzgoek yisuz guekgya 2015 nienzdoh bangbouj hanghmoeg. Doengzseiz lij miz daihgingz Heiqguengjdoeng 《Yinghlo Con》《Nanzbai Heiqguengjdoeng Biujyienj Vunzcaiz Son'gyauq》song aen hanghmoeg ndaej liedhaeuj bangbouj hanghmoeg, sam aen hanghmoeg gungh ndaej 570 fanh maenz ngaenz bangbouj.

Ngaenzgoek yisuz guekgya dwg goeng'iksingq ngaenzgoek, muzdiz dwg hoenghvuengh yisuz cauxsij、dajcaux caeuj doigvangq cozbinj cingbinj gagsij、gungganq yisuz cauxsij vunzcaiz、doicaenh guekgya yisuz saehnieb cangqheiq hwngfat, bangbouj loihhingz baugvat daizheiq yisuz cauxsij、yisuz vunzcaiz gungganq

caeuj boucoz yisuz cauxsij vunzcaiz daengj.

Daj bi 2014 ngaenzgoek yisuz guekgya laebbaenz daeuj, aen si neix gig yawjnaek hong bauq ngaenzgoek, laebdin bonjdieg swwhyenz vwnzva minzcuz naekna, gaenxmaenx cujiz vwnzyi yendonz roengzsim biencaux、dajcaux cingbinj, caemhcai ciuq iugouz, guh ndei hong bauq ngaenzgoek, aeundaerj cwngzgoj gig ndei. Bi 2014 Namzningz Si heiqfoux 《Buh Bwnroeg》、heiqbang 《Hoz·Haiz》、moedlaenz 《Soengq Haizcingz》ndaej senjhaeuj, ndawde daihgingz heiqfoux 《Buh Bwnroeg》ndaej bi 2014 ngaenzgoek yisuz guekgya daihgingz heiqfoux bangbouj hanghmoeg, dwg cozbinj dandog Guengjsae senjhaeuj daihgingz heiqfoux caeuj cozbinj, gyahwnj gij cwngzgoj bi 2015, Namzningz baenz

aen hawsingz Guengjsae dandog laebdaeb song bi senjhaeuj daihgingz heiqmoeg hanghmoeg.

Daihgingz heiqfoux Bouxcuengh 《Mehlwg Ra Henzmbwn》daengx guk cunzyienj hanghmoeg dwg Namzningz Si Yisuz Heiqyienh Mizhanh Cwzyin Gunghsw youq daihgingz heiqfoux 《Buh Bwnroeg》doeklaeng, baezmoq ndaej ngaenzgoek yisuz guekgya bangbouj hanghmoeg. Heiqmoeg yaek baengh gij ngaenzciengz haeujcoengh ngaenzgoek yisuz neix, youq bi 2016 youq daengx guk gvangqlangh haiguh cunzyienj aeu heiq 《Mehlwg Ra Henzmbwn》guh haedsim, doenggvaq gij fuengsik lizdij、ronghsien neix, aeu minzcuz vwnzva Bouxcuengh maenhndei caeuj daizheiq yisuz cingbinj youq daengx guk guh doigvangq.

(Banh Bingciz/潘炳辰)